

Tongasoa eto amin'ny fiarahana amin'Andriamanitra!

Inona no antony tokony hitsidihanao ny „Die Quelle“?

- Jesosy Kristy no loharanom-piainana.

Ary hoy koa Izy tamiko: Tanteraka ireo. Izaho no Alfa sy Omega, ny fiandohana sy ny fiafarana. Izaho hanome maimaimpoana amin'ny loharanon'ny ranon'aina ho an'izay mangetaheta. 7. Izay maharesy no handova izany zavatra izany; ary ho Andriamaniny Aho, ary izy ho zanako. (Apokalypsy 21:6-7)

Izahay dia mino fa Jesosy dia Zanak'Andriamanitra, izany hoe Andriamanitra tonga nofo.

Ary iaraha-manaiky mihitsy fa lehibe ny zava-miafina ny amin'ny toe-panahy araka an'Andriamanitra, dia Ilay naseho teo amin'ny nofo, nohamarinina tao amin'ny Fanahy; hitan'ny anjely, notorina tany amin'ny jentilisa, ninoana teny amin'izao tontolo izao, nakarina tamin'ny voninahitra. (1 Timoty 3:16)

Ary ho an'ny Mpanjaka tsy manan-taloha, tsy mety maty, tsy hita, dia ho an'Andriamanitra tokana ihany anie ny laza sy ny voninahitra mandrakizay mandrakizay. Amen. (1 Timoty 1:17)

ny Andriana finaritra sady tokana, Mpanjakan'ny mpanjaka sy Tompon'ny Tompo, no haneho izany amin'ny fotoany. (1 timoty 6:15)

- Ny fiangonan'Andriamanitra velona no fototry ny Fahamarinana. Amin'ny alalan'ny fitoriana ny Teny ao amin'ny Fiangonany marina no ahatongavanay- sy ahatongavanao – amin'ny Fahamarinana.

fa raha tratra ela aho, dia ny hahafantaranao izay fitondrantena mety hatao ao an-tranon'Andriamanitra, dia ny fiangonan'Andriamanitra velona, sady andry sy fiorenan'ny fahamarinana. (1 Timoty 3:15)

Izahay dia mino fa ny Baiboly dia Tenin'Andriamanitra ho an'ny ankehitriny koa, „...ny Soratra masina...nomen'Andriamanitra...“

fa hatry ny fony vao zaza hianao dia efa nahalala ny Soratra Masina, izay mampahahendry anao ho amin'ny famonjena amin'ny finoana izay ao amin'i Kristy Jesosy. (2 Timoty 3:15)

Izahay dia mivavaka amin'Andriamanitra amin'ny Fanahy sy ny Fahamarinana. Hoy Jesosy hoe: „**Andriamanitra dia Fanahy, ary izay mivavaka Aminy, dia tsy mivavaka amin'ny fanahy sy ny fahamarinana**“.

Fa avy ny andro, sady tonga ankehitriny, raha ny tena mpivavaka hivavaka amin'ny Ray amin'ny fanahy sy ny fahamarinana; fa ny Ray koa mitady ny mpivavaka aminy ho tahaka izany. Andriamanitra dia Fanahy; ary izay mivavaka aminy tsy maintsy mivavaka amin'ny fanahy sy ny fahamarinana“ (Jaona 4:23-24)

„Die Quelle“ dia fiangonana ivondronan'ny tany samihafa firenena rehetra, natao ho an'ny olona rehetra, ny foko sy firenena rehetra, izay maniry ny hidera ny Tompo jesosy Kristy.

Jesosy dia naminany momba ny fanomezan'Andriamanitra amin'ny alalan'ny ohatry ny ranovelona. Jesosy namaly ka nanao taminy hoe: Raha fantatrao ny fanomezan'Andriamanitra sy Izay miteny aminao hoe: Omeo Aho hosotroiko, dia hianao no ho nangataka taminy, ka nomeny rano velona. Jesosy namaly ka nanao taminy hoe: Izay rehetra misotro ity rano ity dia mbola hangetaheta indray; 14 fa na iza na iza no misotro ny rano izay homeko azy dia tsy hangetaheta mandrakizay; fa ny rano izay homeko azy dia ho loharano miboiboika ao anatiny ho fiainana mandrakizay.“ (Jaona 4:10+13-14)

Ary tamin'ny andro farany, izay andro lehibe tamin'ny andro firavoravoana, dia nitsangana Jesosy ka niantso nanao hoe: Raha misy olona mangetaheta, aoka izy hanantona Ahy ka hisotro. 38 Izay mino Ahy, dia hisy onin'ny rano velona hiboiboikaavy ao an-kibony, araka ny voalazan'ny Soratra Masina. 39 Ary ny Fanahy, Izay efa horaisin'ny mino Azy, no nolazainy tamin'izany; fa ny Fanahy tsy mbola nomena, satria Jesosy tsy mbola niditra tamin'ny voninahiny.“ (Jaona 7:37-39)

Izahay mino fa io teny fikasana io dia mbola manan-kery koa ankehitriny ho an'izay mino.

Ary hoy Petera taminy: Mibebaha, ary aoka samy hatao batisa amin'ny anaran'i Jesosy Kristy hianareo rehetra mba hahazo famelana ny helokareo; ary hianareo handray ny fanomezana dia ny Fanahy Masina; 39 fa ny teny fikasana dia ho anareo sy ny zanakareo ary ho an'izay rehetra lavitra, na iza na iza hantsoin'i Jehovah Adriamanitsika hanatona Azy. (Asan'ny Apostoly 2:38-39)

Izahay dia afaka manome fampianarana baiboly maimaim-poana ho anao amin'ny fiteny maro samihafa. Raha ilaina dia manatona anay na manorata aminay.

Jesosy Kristy, ny loharanon'aina, dia miandry anao!

Tamin'ny voalohany Andriamanitra nahary ny lanitra sy ny tany. Ary ny tany dia tsy nisy endrika sady foana; ary aizina no tambonin'ny lalina. 2 Ary ny Fanahin'Andriamanitra nanomba tambonin'ny rano. (Genesisy 1:1-2)

Ary tonga androany teo amin'ny fantsakana aho, ka hoy izaho: Jehovah ô, Andriamanitr'i Abrahama tompoko, raha hanambina ny alehako Hianao, 43 indro, mijanona eto anilan'ny fantsakana aho,- koa izay zazavavy hivoaka hantsaka ka hilazako hoe: Mba ampisotroy rano kely avy amin'ny sininao aho, (Genesisy 24:42-43)

ary niala tao izy hankany Bera, dia ilay lavaka fantsakana nilazan'i Jehovah tamin'i Mosesy hoe: Angony ny olona, fa homeko rano izy. 17 Dia nihira izao fihirana izao ny Isiraely: Miboiboika, ry lavaka fantsakana, ataovinareo an-kira izy; (Nomery 21:16-17)

Fa ao aminao no misy loharanon'aina; ny fahazavanao no hahitanay fahazavana. (Salamo 36:10)

Ny fahatahorana an'i Jehovah no loharanon'aina, Hanalavirana ny fandriky ny fahafatesana. (Ohabolana 14:27)

Ny ory sy ny malahelo mitady rano, fa tsy mahita, ary ny lelany mainan'ny hetaheta; Izaho Jehovah no hihaino azy, Izaho, Andriamanitry ny Isiraely, tsy hahafoy azy; 18 Hampiboika renirano ao amin'ny tendrombohitra mangadihady Aho ary loharano ao amin'ny lohasaha; Hanao ny efitra ho farihy Aho ary ny tany karankaina no loharano miboiboika. (Isaia 41:17-18)

Fa zava-dratsy roa loha no nataon'ny oloko: Efa nahafoy Ahy, loharanon'aina, izy ka nihady lavaka famorian-drano ho an'ny tenany, nefa lavaka mitriatriatra tsy mahatan-drano. (Jeremia 2:13)

Ary ny zava-manan'aina rehetra sesehena na aiza na aiza alehan'ny ony tondraka dia ho velona, ka hisy hazandrano sesehena; fa nony tonga ao ity rano ity, dia ho sitrana izy, ary ho velona izay rehetra hidiran'ny ony.[Heb. ony roa] (Ezekiela 47:9)*

Amin'izany andro izany dia hipoipoitra ranom-boaloboka ny tendrombohitra, handriaka ronono ny havoana, ho feno rano ny lohasahan-driak'i Joda rehetra, ary hisy loharano hivoaka avy ao an-tranon'i Jehovah ka handena ny lohasahan-driak'i Sitima. (Joela 4:18)

Amin'izany andro izany dia hisy loharano voasokatra ho an'ny taranak'i Davida sy ho an'ny mponina any Jerosalema hanafaka fahotana sy fahalotoana. (Zakaria 13:1)

Ary teo ilay fantsakan'i Jakoba. Ary satria sasatra Jesosy tamin'ny nalehany dia nipetraka teo ampantsakana Izy, rehefa tokony ho tamin'ny ora fahenina. [*Gr. loharano; sahala amin'ny teny ao amin'ny and. 14] (Jaona 4:6)*

Jesosy namaly ka nanao taminy hoe: Raha fantatrao ny fanomezan'Andriamanitra sy Izay miteny aminao hoe: Omeo Aho hosotroiko, dia ianao no ho nangataka taminy, ka nomeny rano velona. (Jaona 4:10)

Ary tamin'ny andro farany, izay andro lehibe tamin'ny andro firavoravoana, dia nitsangana Jesosy ka niantso nanao hoe: Raha misy olona mangetaheta, aoka izy hanatona Ahy ka hisotro. 38 Izay mino Ahy, dia hisy onin'ny rano velona miboiboika avy ao an-kibony, araka ny voalazan'ny Soratra Masina. 39 Ary ny Fanahy, Izay efa horaisin'ny mino Azy, no nolazainy tamin'izany; fa ny Fanahy tsy mbola nomena, satria Jesosy tsy*

mbola niditra tamin'ny voninahiny. [Na: Fanahy Masina] (Jaona 7:37-39)*

Fa Fanahy iray ihany no nanaovam-batisa antsika rehetra ho tena iray, na Jiosy an jentilisa, na andevo na tsy andevo; ary isika rehetra dia efa nampisotroina ny Fanahy iray. [* Gr. Grika] (1 Korintiana 12:13)*

Ary hoy koa Izy tamiko: Tanteraka ireo. Izaho no Alfa sy Omega, ny fiandohana sy ny fiafarana. Izaho hanome maimaimpoana amin'ny loharanon'ny ranon'aina ho an'izay mangetaheta. (Apokalypsy 21:6)

Ary izy naneho ahy onin'ny ranon'aina, manganohano tahaka ny vato krystal, nivoaka avy teo amin'ny seza fiandrianan'Andriamanitra sy ny Zanak'ondry (Apokalypsy 22:1)

Ny Fanahy sy ny ampakarina manao hoe: Avia; ary aoka izay mahare hanao hoe: Avia. Ary aoka ho avy izay mangetaheta; ary izay mety, aoka izy hisotro maimaimpoana amin'ny ranon'aina. (Apokalypsy 22:17)

Die Quelle
(Fiangonan'i Jesosy Kristy)
Karl-Schurz-Str. 19
D-33100 Paderborn